



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-2-53-2/19
Banja Luka, 22.01.2019. godine

Na osnovu Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), postupajući po zahtjevu ,
novinarke Centra za istraživačko novinarstvo, Direkcija za civilno vazduhoplovstvo Bosne i
Hercegovine donosi:

RJEŠENJE
o pristupu informacijama

kojim se u potpunosti **ODOBRAVA** pristup informacijama pod kontrolom BHDCA
dostavljanjem informacija

Образложење

Dana 10.01.2019. godine Direkcija za civilno vazduhoplovstvo BiH (BH DCA), zaprimila je, putem e:mail adrese bhdca@bhdca.gov.ba, a na osnovu Zakona o slobodi pristupa informacijama u BiH, zahtjev u kojem podnosilac, , novinarka Centra za istraživačko novinarstvo, zahtijeva da joj se dostave sledeće informacije:

- Je li je Direkcija u godinama 2018, 2017. i 2016. isplaćivala novac za školovanje službenika i/ili zaposlenika odnosno predstavnika institucije?
- Ukoliko jeste, potrebno nam je ime i prezime osobe za čije je školovanje isplaćen novac, pozicija na kojoj je radio/radila u vrijeme isplate školarine i podaci o kakvom se obrazovanju radi (tečajevi jezika, dodiplomski, posdiplomski, magistarski...)?
- Ukoliko se isplaćivala naknada za magistarski i/ili doktorski rad, molim vas da navedete naziv teme na koju je rad urađen.
- Je li sa korisnikom naknade za školovanje potpisan neki ugovor o tome i ako jeste, da li sadrži klauzulu o nekom roku u kojem mora ostati u instituciji po okončanju školovanja?
- Da li ta osoba još uvijek radi u instituciji i na kojoj poziciji?
- Kopija pravnog akta na osnovu kojeg je novac za školovanje isplaćen.

Postupajući po navedenim zahtjevima, a na osnovu člana 14. Zakona o slobodi pristupa informacijama u BiH, BHDCA je odobrila pristup informacijama, kako je navedeno u dispozitivu Rješenja.

Direkcija za civilno vazduhoplovstvo Bosne i Hercegovine obavještava podnosioca zahtjeva da u 2016, 2017. i 2018. godini nije isplaćivala novac za školovanje (tečajevi jezika, dodiplomski, posdiplomski, magistarski, doktorski) službenika i/ili zaposlenika odnosno predstavnika institucije, te stoga i ne raspolaze ostalim traženim informacijama.

Podnosiocu zahtjeva informacija se dostavlja na e-mail: @cin.ba, kako je traženo u zahtjevu. Rješenje o pristupu informacijama podnosiocu zahtjeva dostaviće službenik za informisanje BH DCA, Aleksandar Lalović, sa službene e:mail adrese aleksandar.lalovic@bhdca.gov.ba.

U skladu sa članom 16. Zakona o slobodi pristupa informacijama u BiH, podnosilac zahtjeva oslobođen je plaćanja taksi i naknada na ovo rješenje.

Uputstvo o pravnom lijeku: Protiv ovog rješenja može se podnijeti žalba Žalbenom vijeću pri Savjetu ministara BiH kao drugostepenom organu i prigovor Ombudsmenu za ljudska prava BiH.

Dostavljeno:

-

,novinarka CIN-a

- @cin.ba

- a/a.

